



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18), razmatrajući Informaciju s prijedlogom Zaključka u vezi s elaboratom IPSA d. o. o. Instituta Sarajevo o utvrđivanju stanja mosta, procjene nosivosti mosta i projekat sanacije opreme mosta preko rijeke Save na graničnom prijelazu Brčko – Gunja, Skupština Brčko distrikta BiH na 13. vanrednoj sjednici održanoj 28. januara 2019., donosi

## **ZAKLJUČAK**

1. Skupština Brčko distrikta BiH podržava dosadašnje aktivnosti poduzete od strane Vlade Brčko distrikta BiH koje se odnose na odvijanje saobraćaja na graničnom prijelazu Brčko – Gunja u skladu s nalazima i preporukama elaborata IPSA Instituta d. o. o. Sarajevo o utvrđivanju stanja mosta, procjene nosivosti mosta i projekat sanacije opreme mosta preko rijeke Save na graničnom prijelazu Brčko – Gunja.
2. Zadužuje se Vlada Brčko distrikta BiH da formira radnu grupu i na prijedlog iste usvoji Akcioni plan s precizno definisanim rokovima i aktivnostima koje imaju za cilj rješavanje problema odvijanja teretnog saobraćaja kao i da predloži mjere za sanaciju postojećeg mosta za promet lakih motornih vozila.
3. Brčko distrikt BiH traži od institucija Bosne i Hercegovine da uspostave kontakt s nadležnim institucijama Republike Hrvatske s ciljem trajnog rješavanja problema odvijanja teretnog saobraćaja preko rijeke Save na graničnom prijelazu Brčko – Gunja.
4. Zadužuje se gradonačelnik Brčko distrikta BiH da u suradnji s predsjednikom Skupštine Brčko distrikta BiH organizuje sastanak s predstavnicima Vukovarsko-srijemske županije s ciljem zajedničkog rješavanja problema odvijanja teretnog saobraćaja preko rijeke Save na graničnom prijelazu Brčko – Gunja.
5. Ovaj zaključak stupa na snagu danom donošenja i objavit će se u Službenom glasniku Brčko distrikta BiH.

Broj: 01-02- 517/19

Brčko, 28. 1. 2019. godine

**PREDSJEDNIK**  
**SKUPŠTINE BRČKO DISTRIKTA BiH**  
**Esed Kadrić**

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Odjeljenju za javne poslove
- 5) Kancelarija koordinatora Brčko distrikta BiH pri Vijeću ministara BiH
- 6) Sektor za opšte poslove i strateško planiranje
- 7) Arhivi